



ESPERANTO JE LA SERVO DE L' TUTMONDA PROLETARO

SENNACIUJO

OFICIALA ORGANO DE SENNACIECA ASOCIO TUTMONDA

REDAKTEJO: 14, avenue de Corbéra, Paris-12^e
Gvidanto: E. Lanty

SIDEJO de Ekzekutiva Komitato de SAT
23, rue Boyer, Paris-20^e

ADMINISTREJO: Colmstr. 1, Leipzig O 27
Administranto: R. Lerchner

KVAR MILIONOJ DA SKLAVOJ EN AFRIKO

Sajnas, ke la ĝenerala publiko ne scias, ke la sklaveco fakte ankoraŭ ekzistas kaj tute ne estas likvidita. Iuj paragrafoj troviĝas en kodoj de kelkaj ŝtatoj, sed la sklav-komerco daŭras. Kaj ĝi daŭros tiom longe, ĝis kiam fine ĉiuj kultur-popoloj ne interkonsentos internacie pri forigo de tia barbarismo.

La Ligo de Nacioj prilaboradis jam la problemon antaŭ kelka tempo, sed ĝi alvenis al neniu praktika decido.

Kaj intertempe kvar milionoj da sklavoj troviĝas en Afriko! Kvar milionoj da vivantaj kadavroj! En Suda Maroko, Tripolio kaj kelkaj ĉe-saharaj regionoj floras ankoraŭ nun vigla sklav-komerco! Virinoj kaj infanoj estas aŭkcio vendataj sur foiroj. Neniu granda ŝtato protestas kontraŭ tiu ĉi barbarismo. La afrikaj estroj, kiuj ne unufoje turnas sin al la tro indulgema Ligo de Nacioj postulante helpon, rifuzas tamen likvidi siajn haremojn. Ili plue venigas freŝan "varon" el la afrikaj sklav-foiroj. — Ne malofte okazas rab-atakoj en la malproksime troviĝantaj vilaĝojn. La vira loĝantaro estas mortpafata, la virinoj kaj la infanoj forkondukataj. Ili devas elporti la brutecon kaj la perforton de la rabistoj. Ankoraŭ sur la sklav-foiro okazas emociaj tragedioj. Kiel kameloj aŭ muloj ili estas vendaĉataj. La speciale belaj korpoj atingas fantaziajn prezojn. Ju pli hela la vizaĝ-koloro des pli alta la prezo de sklavino.

La nevendita "varo" estas pelata de foiro al foiro ĝis ĝi fine aŭ vendiĝas aŭ pereas pro foruzo de tiuj fortoj. Memmortigoj kaj freneziĝoj apartenas en tiuj transportoj — kiel konantoj de tieaj cirkonstancoj certigas — al ĉiutagaĵoj.

Arabio, en kiu ĉiumonate miloj da jun-

aj knabinoj prenas devigate sur sin la malfacilan sorton de la sklaveco, estas ŝatata kiel tre taŭga kampo por la praktiko de ĉi tiu fripona metio. La rabistaj bandoj, kiuj okupiĝas pri kaptado de sklavinoj estas tre bone organizitaj. Ili havas specialan avertistan servon, kiu multe helpas al ili. La transportoj okazas en formo de simplaj pilgrim-transportoj. Ofte la sklav-komercistoj miksas sin kaj sian vivantan varon inter verajn pilgrimantajn kredulojn kaj ŝirmas sin tiamaniere kontraŭ la brako de la justeco.

Sufiĉe! Regas en tiuj regionoj barbarismo kiu devas esti forigita. Ne helpas belaj paroladoj dum komitat-kunsidoj de Ligo de Nacioj. Per tio ne estas forigebla la malbono.

La kontraŭsklaveca movado estis iniciatita — kiel oni scias — de kelkaj anglo-amerikaj filantropoj kaj ricevis fortan moralan kaj ekonomian subtenon en la nova mondo. La forigo de la sklaveco okazis pli rapide ol oni estis ĝenerale supozinta.

Ankaŭ en Eŭropo estiĝis la deziro fini kun tiu ĉi barbareco jam dum la Vien-a Kongreso en la jaro 1815. Ĝenerala deklaro de la kontraktantaj ŝtatoj jam tiam konsideris la sklav-komercon neakordebla kun la fundamentaj reguloj de l' homeco kaj publika moralo. La Quintupel-kontrakto de la 20. 12. 1841 inter Anglio, Aŭstrio, Prusio, Francio kaj Rusio donis al la partoprenintaj ŝtatoj la rajton kontroli la eventualajn malobeojn de la sklavkomerca malpermeso en la Atlantika oceano kaj starigi antaŭ juĝejo la iniciatintojn de tiaj krimoj. Ankaŭ la Kongo-akto de la jaro 1885 maturigis kelkajn kontraktojn pri la sklav-

komerco precipe inter Azio kaj la orienta afrika bordo kaj Madagaskaro. La 2. 7. 1890 dum la Brusela konferenco la ŝtatoj forigis per ĝenerala akto la sklavecon kaj la sklavkomercon tiel sur maro kiel sur tero. Ĝi fariĝis valida de la 2. 4. 1892. Por forigi la malbonon oni fondis Internacian Mar-oficejon en Sansibar kaj Specialan Oficejon en Bruselo. Ĉio ĉi estis prepara laboro.

Kiel negativan rezulton ĝi donis, pruvas la fakto, ke kvar milionoj da sklavoj troviĝas ankoraŭ en Afriko.

Elgermanigis Kurt Straube.

K-doĵ, loĝantaj en tiuj landoj aŭ sciantaj detale pri la sklavkomerco sendu pli precizajn detalojn!

Trad.



Sanga teroro de la kristana registaro de Nederlando kontraŭ la revoluciuloj en Malajaj insuloj

La nederlanda registaro tute nediferencas de la sangosoifaj registaroj de Balkanŝtatoj, Italio, Hispanio ktp. La sanga persekutado kontraŭ ĉiuj, kiuj batalas kontraŭ subpremado kaj elprofitagado plimultiĝis tiel en Nederlando kiel en Malajaj insuloj. En ĉi lastaj okazis jam ribeloj kaj ili ankoraŭ okazos. La brunajn fratojn tedas jam la kristanaj flagoj kaj ili klopodas kiel siatempe la holandanoj mem, deĵeti la imperialistan jugon. Bedaŭrinde la registaro sukcesis sufoki la lastan ribelon per modernaj murdrimedo. Miloj da herooj estis mortigitaj, miloj da ili forkondukitaj al la malaraj regionoj de Bovon-Digool, al tiu ĉi malproksima parto de Nova Gvineo, kie homoj mortas eĉ el melankolio pro izoleco ĉu pro la soifo al trinkaĵoj.

Sen iu ajn antaŭa esploro la sang-estraro de Malajaj insuloj mortkondamnis krom tio sep K-dojn. Sep junaj, fortaj viroj, sep honestaj batalantoj por justeco kaj libereco estis ekzekutitaj antaŭ la malaja popolo, el kiu oni elsuĉas ĉiujare 100 milionojn da guldenoj.

Kaj la teroro ne ankoraŭ finiĝis. Oni kondamnas centojn al diversaj malliberaj punoj variantaj inter 12 jaroj kaj ĝis morta puno.

Jen ekzemploj de la kristana regado: En *Sawaloento* la landa konsilantaro kondamnis 8 K-dojn po 20 j. kaj 12 po 12 j.! Tio estas entute 320 jaroj! Laŭ "Aneta" troviĝis la 30. aŭgusto 1927 1600 revoluciuloj en la malliberejoj de la okcidenta parto de la insulo Java.

La landkonsilantaro de *Solo* kondamnis pro mortigo de unu policisto, tri K-dojn al mortpuno, ses po 20 jaroj, dek po 15 jaroj kaj 20 po ok jaroj da malliberejo.

Tiu ĉi teroro okazas ne nur en la kolonioj sed ankaŭ en Nederlando mem.

La de en Leiden kaj Amsterdam arestitaj malajaj studentoj-Kamaradoj estas tre granda. Kun polic-hundoj oni traserĉadis la loĝejojn de niaj Kamaradoj. Ĉio kio estas uzebla oni forŝtelis. Tiel okazas en la "libera" Nederlando.

Laŭ "Aneta" denove kvar ekzekutoj okazis la 17. septembro 1927 en Pandeglag. La kondamnitaj estas: Jasa, Djamin, Hadji Asikin kaj Doelsalem.

La malliberigitaj estas: Mohamed Hatta, Ali Sastro Amidjojo, Raden Mas Abdoel Madjer Djodjojadininggrat kaj Nazir Pamontjak.

La ĵurnaloj: "De Moker", "De Wapens Neder", "De Brandung", "Bevrijding", "De Arbeider", "De Vrije Socialist" kaj "Opstand" agitas kontraŭ tiu ĉi murd-praktikado. Multaj persekutoj okazis pro tio, sed niaj K-doj daŭrigas la batalon. Laŭ la *Informservo de AJL*.

seriozajn paŝojn por la enlanda petrol-esplorado. Ili multe pli taksis la komfortan enpoŝigon de senriskaj monstroj profitoj (jare 600 milionoj da frankoj) ol ĉi tiujn necertajn entreprenojn. Eĉ unu el inter ili kaj eĉ la plej granda tute malkaŝe deklaris, ke *por ili la trovo de petrolfontoj en Francio signifus la plej grandan malbonŝancon*.

— Por plibone kompreni tiun ĉi klarigon — daŭrigas deputito Baron — ni devas scii, ke por la havigo de l'novaj petrolfontoj kvar gigantaj kompanioj bataladas: la *Standard Oil Company*, la *Royal Dutch-Shell* (Rojal Dütĉ-Sel), la *Anglo-Persian* kaj la *Sinclair* (Sinkler). Depost la Versalja (Versailles) paco la situacio tre malboniĝis inter la anglaj kaj amerikaj petroltrutoj. La angla *Royal Dutch* kaj la amerika *Standard Oil* senkompate luktadas unu kontraŭ la alia kaj ili uzas preskaŭ ĉiujn partojn de l'mondo por batalkampo. En *Meksikio* rekomenciĝis la revolucioj kaj strikoj. En *Georgio* ili instigis kontraŭrevolucion. En *Albanio* ili provokis ribelon, por malhelpi kelkajn malpli signifajn petrol-esploradojn. En *Mezopotamio* ili kreis novajn ŝtatojn kaj akreditis novajn reĝojn. Ili ekscitigis Grekion kontraŭ Kemal Paŝa, ĉar la turka politikisto ne volis rezigni je la teritorioj, kies granda valoro ankaŭ por li ne estis sekreto. Ili atentis, ke Italio ne ekposedu Smirnon, ĉar tiun ĉi havenon projektis la angla petrolindustrio por orienta petrolhaveno de la Mediteranea maro. Kaj la mistika gvidanto de la trusto, la anglagreka sir *Bazil Zaharov* opiniis, ke la angla vazalo, Grekio, pliagrabla servos interesojn de la trusto ol sendependa Italio de *Musolini*. La subteno de l'rusaj kontraŭrevolucioj, poste la konfirmo de Sovetio estas same deduktebla je petrolkaŭzoj. Fine *Abd-el-Krim* neniam estus ektrouvinta la ideon por militadi kontraŭ Francio, se la angla trusto ne konjektus petrolon en la *Riffa* lando kaj se ĝi ne subtenus la araban ĉefulon. La problemo pri libereco de l' markoloj, defendo de la kristanaj malplimultoj servas nur por kaŝi la luktadon de la du malamikaj kompanioj por la orientaj petrolfontoj. Tio, kion oni komprenas sub orienta problemo, ne estas io alia ol nur la problemo de malgrandaziaj petrolfontoj.

— En la tuta mondo, grandskale altiĝas la konsumado de petrolo kaj benzino. Posedo de l'petrolfontoj fariĝis en ĉiuj landoj de l'mondo la unuaranga faktoro en la ekonomia vivo. Granda potenco povas certigi liberecon de sia ekonomia vivo kaj defendon de siaj limoj — finas sian militarmon la prezidanto de petrolkomisiono — nur se ĝi havas proprajn petrolfontojn. Ĉar la petrolo estas animo ne nur de la moderna industrio, sed ankaŭ de la moderna militado.

A. L.
"PESTI NAPLÓ"
Elhungarigis: Kolektivano.

PETROLO — REĜO DE L' MONDO

Militraporto pri la petrolfronto de Meksikio ĝis Mezopotamio

La petrolproduktado de Usono dum la lastaj semajnoj kreskiĝis je 2 506 000 bareloj, kontraŭ la antaŭa de 2 500 000. Sed la krud-oleoprezoj sur *Mid Continent* po barelo altiĝis je 10 cendoj. Kaj la benzin-prezoj en la okcidenta parto de Usono plikariĝis pogalone je 4—6 cendoj. La ĝenerala prezkarigo laŭ *Wall Street Journal*, estas nur demando de kelkaj semajnoj kaj dependas de tio, kiam komencas la grandaj trustoj kompletigon de siaj provizaĵoj. La malkariĝo estis nur bezonata por ke la trustoj malkare povu aĉeti la malgrandajn kaj mezajn entreprenojn, kiuj ne povis suferi la deficitojn de l'beso.

Samtempe kun la altigo de l'prezoj, la petrolproduktantoj de Usono — laŭ informo de *Newyork Herald* — redukti volas la petrolproduktadon. Kvankam la ministro de l'justeco rifuzis provizore ĉi tiun projekton, kiun subtenis ankaŭ la ŝtatssekretario de internaj aferoj, la produktantoj ekmovigas ĉiujn ŝtonojn por efektiviĝi sian projekton.

Estas interese, ke samtempe, kiam la petrolproduktantoj de Usono penas reduktigon de la produktado, inter la plej granda amerika petrolkompanio, la *Standard Oil Company* kaj la sovetia petrolsindikato fariĝis kontrakto, laŭ kiu dum tri jaroj la *Standard Oil* ricevas jare 150 000 tunojn el la sovetia krud-oleoproduktado. Inverse *Standard Oil* devigis sin al starigo de grandega petrolrafinejo en *Batum* kaj al rafinigo tie en *Sovetio* la plimulton de l' 150 000 tunoj da petrolo. La petrolrafinejo konstruiĝos sur 84 000 kvadrata teritorio kaj 10 col-diametra tubkondukilo ligos ĝin kun la haveno. Laŭ la *Konstantinopla* korespondanto de l'*Frankfurter Zeitung*, la materialoj bezonataj por instaligo de

petrolrafinejo jam alvenis el *Novjorko*. Do *Standard Oil* certigis sian hegemonion ankaŭ parte en *Rusio*. Sed la transiĝo de l'soveta petrolproduktado en amerikan manon, absolute ne harmonias kun la fama letero de kolonelo *House*, (Hus) kion li direktis al la *Public Ledger* (*Pöblik Lidzser*) kaj en kiu, li asertis, ke la paco de l'mondo dependas de tio, kiamaniere oni dividas inter unuopaj ŝtatoj la produktadon de petrolo kaj hejtmaterialo. Sed ja ĉi tiu plinova amerika konkero eĉ pli malproporciigas la jam ĝisnun sufiĉe malproporcian dividon. Usono ja donas jam per siaj enlandaj fontoj grandan parton de l'tutmonda petrolproduktado. Sed la amerikanoj kutimas diri: "Petrolo estas la reĝo kaj ne la kotono". Kaj ĉi tio estas vera, ĉar la reĝo de Ameriko estas petrolo. Multaj milionoj da laboristoj estas subuloj de tiu ĉi reĝo kaj arego da spekulantoj ĝiaj korteganoj. Ĉion-enmaniriganta aktiveco regas en ĉi tiu industrio, kiu celas subigon de ĉiuj aliaj industri-branĉoj. —

En la porpetrolan luktadon inter Anglio kaj Ameriko, Francio ne ankoraŭ intermiksiĝis. Kial ne, tion respondas prezidanto de l'porminej- kaj porpetrola komitato de la franca *Cambro* de deputitoj *Charles Baron* (*Ŝarl Baron*) sur la kolonoj de granda pariza ĵurnalo.

— Pro la kulpo de niaj antaŭaj registaroj, — skribas la deputito — kiuj kredis, ke la petrolo estas sensignifa butikista varo kaj pro niaj parlamentoj, kiuj plimulton politikis ol estis bezone kaj tute ne volis okupiĝi pri naciekonomio kaj pro la miopeco de niaj kapitalistoj, Francio koncerne la estontan petrolproduktadon troviĝas en kriza situacio. Nek unu franca petrolfirmo faris

Jen, kion kaŭzas la varmego!

Kelkaj homoj estas ĉiam frenezaj. Ĉiuj estas frenezaj. Ifoje ĉiuj samtempe estas frenezaj. Ĉi lasta fazo nun regas, do mi komencas disvolvi la kaptajn problemojn, turmentantaj nuntempe la homaron.

La konferenco por senarmigo en Genevo havis antaŭ si jenajn problemojn: 1. Kiel povus ĉiu partoprenanta potenco plimalgrandigi la mararmeon de aliaj ŝtatoj, ne reduktante sian propran. 2. Kiel estus eble garantii la liberecon de l'maroj, netuŝante la interesojn de la nunaj marregantoj. 3. Kiamaniere oni malebligu la atakojn per tio, ke oni aljuĝas al ĉiu potenco sufiĉan mararmeon por repuŝi: a) la mararmeon de sia ĉefa konkuranto; b) la mararmeon de siaj du ĉefaj konkurantoj; c) la unuigitan mararmeon de ĉiuj siaj konkurantoj. 4. Kiel malebligi la armigkonkuron, permesante al ĉiu nacio konstrui la plej grandan militŝiparon de l'mondo.

Ĉiujn ĉi problemojn de la Geneva kunveno devis solvi tiuj admiraloj, vic-admiraloj kaj aliaj altrangaj oficiroj, kies laŭranga kaj laŭsalajra kariero dependas de la evoluo aŭ malevoluo de sia nacia mararmeo.

Se oni ekzemple reduktus la militŝiparon de Britio al unu krosŝipo, ties tuta personaro konsistus el oficiroj pli altrangaj ol admiralo kaj sur la estrado por ŝipestro la admiraloj formas amaskunvenon.

Laŭ sciigo de latina historiisto Bunkus Piffeleriu la katoj aranĝis en la jaro 27-a antaŭ Kristo sur la insulo Korfu kongreson, similan al la konferenco de Genevo.

Ni ekscias, ke la katoj de Korfu forte konkuris por la tieaj musoj kaj pro la troakreco de la kataj dentoj kaj ungoj la pliakriĝinta lukto minacas plenan ekstermon al la musoj.

Post kelkmonataj disputoj ili decidis aĉeti raspilojn por malakrigi la dentojn kaj ungojn de katetoj. Por akiri la konsenton de ĉi lastaj, apogantoj de la decido (hazarde ĝuste la plej fortaj katetoj) entreprenis mem la prizorgon de raspiloj kaj kontroladon de l'malakrigo.

Post kio la konferenco disiĝis dum ega miaŭado de la katetoj.

* * *

La Amerika farmisto havas antaŭ si jenajn problemojn: 1. Kiel teni kaj eĉ plialtigi la valoron de terposedaĵoj reduktante la impostojn kaj rentumojn difinitajn laŭ valoro de l'bieno. 2. Kiel pligrandigi la konsumadon de fojno, hordeo kaj aveno, per pliigita apliko de agrikulturaj traktoroj, motoroj kaj aliaj benzinkonsumantaj iloj kaj veturiloj. 3. Kiel malkreskigi la ŝuldojn per plifaciligado de kreditkondiĉoj. 4. Kiel plialtigi la mondmerkatan prezon de agrikulturaj produktaĵoj helpe de importdoganoj. 5. Kiel reteni la infanojn ĉe l'

agrikulturado, kiam la gepatroj devas migri en la urbon. 6. Kiel trovi novajn argumentojn por la politiko, de kiu ili rifuĝas.

La problemoj de la karbminej-posedantoj estas tro malmultaj kaj facilaj kaj ne bezonas profundan kuracadon. Mal-longe, jenaj estas: 1. Kiel redukti la ĉiaman superproduktadon de karbo helpe de pli taŭgaj ekspluat-metodoj kaj perfektigitaj maŝinoj. 2. Kiel kreskigi la karbkonsumadon de l'industrio kaj transporto, reduktante la salajron kaj aĉetpovon de l'ministoj kaj aliaj laboristoj. 3. Kiel redukti la vendprezon de karbo per konstanta malaltigo de l'salajroj, ĝis la karbo estu, tiel malkara kiel la aero; pro tio la konsumantoj hejtos siajn fornojn eĉ dum julio kaj aŭgusto, samkiel oni enspiras pli da aero ol necesas, simple ĉar ĝi estas tiel malkara. 4. Plej lasta kaj plej simpla problemo estos tio, de kie la minejposedantoj pruntericevos monon por pagi la rentumojn kaj dividendojn en tiu perfekta industrianĉo, kies produktaĵojn oni disdonas senpage.

* * *

La problemoj de l'aŭtomobilfabrikado estas jena: Kiel altigi la prezojn de l'uzitaj aŭtomobiloj ĝis la limo, ke oni povu aĉeti novan por la sama sumo, sed tamen restu sufiĉe da profito por monsubteni tiujn, kiuj aĉetas por poparta pago uzitajn ĉarojn.

Ĉe aliaj gravaj industrianĉoj estas similaj solvendaĵoj, sed ĝenerale la tuta industrio devas solvi nur unu problemon. Ĝi estas jena: Kiel vendi varojn valorantajn 231 miliardojn da dolaroj al homoj, kies tuta jara enspezo estas nur 164 miliardoj. Aŭ se tio ne estus solvebla, kiel vendi la diferencon al eksterlando, sufiĉe profitante.

Krom ĉi tiuj kaj aliaj problemoj solvendaj por povi certigi la vivdaŭron, eĉ laŭeble la eternigon de l'hodiaŭa ekonomia, socia kaj politika ordo — kiu ja estas laŭ ĉies scio la plej bona ordo iam imagebla de homa cerbo — ekzistas kelkaj individuaj solvendaĵoj. Ekzemple:

Mussolini: Kiel ricevi sufiĉe da mono de miaj kreditantoj, por ke mi kapablu etendi la novan roman imperion sur ilian teritorion?

Baldwin: Kiom da venkaj militoj similaj al la lasta necesas por tute bankrotigi Brition?

Stalin: Se la kreo de 20 milionoj da novaj et-bienoĵ ne sufiĉis por akiri la apogon de l'burgaj nacioj, kiom da privatposedaĵoj ni devas krei ankoraŭ, por ricevi sufiĉan prunton de la suprecititaj burgaj nacioj, por finsukcesigi la komunismon?

Coolidge: Kiel mi povus ludi la rolon de modesta violo per tamburo sur la tegmento.

Ceteraj problemoj ne estas.

Verkis: Adamo Karbministro, New-York.

EL LA VIRINA VIVO

Paranĝa¹⁾

Jen mallarĝa strateto de uzbeka vilaĝo. Unuflanke altiĝas flava argila muro, aliflanke, ĝenata per mallarĝaj abruptaj bordoj, flubruas malbrila akvo en kanalo. Suno batas per netolerebla varmego, de muro sur sekigintan teron falis mallonga violkolora ombro. Laŭlonge de muro moviĝas stranga figuro. Senvizaĝa. Senmana. Ĝi estas volvekovrita de verto ĝis nudaj kalkanoj en vestaĵon, kiu similas mortveston de mezepokaj lepruloj, for de kiuj kuris ĉiu preterpasanto.

Kaj ĉi-malbonsigna figuro mem forvojiĝas kiam ĝi ekvidas viron.

Ne konfuzigu malpia aspekto de l'virino koron de ortodoksulo!

Leĝoj de lando de sablaroj kaj multkoloraj ĥalatoj²⁾ estas antikvaj, severaj kaj senindulgaj. Puno estas rapida kaj sanga — kolo tratranĉita de akrigita kurba ponardo. Eniru kiel gasto al uzbeko. Li renkontas vin afable kaj gasteme — estu benita ĉiu gasto! Li sidigas vin sur tapiŝon, li proponas al vi en plata taso verdan teon. Sed ankoraŭ nun ne ĉiu uzbeko, eĉ kom-partiano, vin enkondukos al virina parto de l'domo kaj prezentos sian edzinon.

Kaj tamen... Kaj tamen paranĝo mortas.

Jam 90 000 uzbekinoj formetis paranĝon!

Ili formetadis ĝin publike, malkaŝeme sur placoj de Samarkand, Kokand, Andijan.

Tiun-ĉi simbolon de centjaroj de virina senrajteco kaj sklaveco ili bruligis sur brullignaroj.

Virino de Uzbekio — energia, kuraĝa — batalas por sia liberiĝo.

Suferiga vojo! Vere sangoplena... Ili konscie iras por malhonoro, ĉar estas senhonta ti-kiu malkovris vizaĝon sian kaj videbligis ĝin por vira okulo. Sin malbenos la patro, forpelos la edzo, lasos parencoj. Sin oni povas perforti, el post angulo mortigi, eniginte ponardon inter skapolojn — kaj la vilaĝo aprobas mortigulon, kaj maljunuloj en teotrinkejo, karesante siajn grizajn barbojn, eldiros: "Por hundo — hundeca morto..."

Nur en jaro 1927 la registaro de Uzbekio eldonis dekreton pri specialaj rajtoj por uzbekinoj kiuj petas helpon en juĝejo. Iliaj juĝaferoj estas solvataj ekstervice, kiel t. n. montr-procesoj. Al familioj de virinoj, pereintaj en batalo pro liberiĝo, estas elpagataj specialaj pensioj.

Orienta virino laboras en sovetoj, kooperativoj, diversaj sociaj organizoj. Ŝi aliĝas.

Jen kelkaj ciferoj: En j. 1925/26 en Uzbekio, Turkmenio k. a. orientaj res-

¹⁾ Vizaĝkovrilo en uzbeka lingvo.

²⁾ Longaj manteloj portataj de multaj orientaj popoloj.

publikoj — entute 19 — oni kalkulis 29 842 virinojn — soci-laborantinojn. En j. 1926/27 ties kvanto pligrandiĝis preskaŭ duoble: — 48 057. Kom.-partio de 12 orientaj respublikoj kaj regionoj havis en j. 1922 nur 234 virinojn, sed ĉi-jare 2160.

Tiel la virino de Soveta Oriento traboras sian vojon malgraŭ ĉiuj malhelpaĵoj.

Trad. S. B-v.



TAGO EL MIA VIVO

Kun ĝojo mi legis la unuajn artikolojn, kiuj aperis en "S-ulo" sub la titolo "Tago el mia vivo". Tiuj ĉi artikoloj donis iom da vigleco al nia gazeto. Sed mi devas konstati kun bedaŭro, ke lastatempe la artikoloj fariĝas tro monotonaj. Unu similas la alian, kvazaŭ unu estus kopio de la alia.

Mi estas scivola kiel pasigas K-doj la liberan tempon, kiam ili ne plu sentas la jugon de materiaj zorgoj.

Mi klopodos mem pentri la bildon de mia libertempo, priskribi la bildon de mia dimanĉa tago.

Mi estas komizo, 24jara. Mi laboras sabate ĝis la 19—19½ horo. Poste mi rapidas hejmen alivestiĝi. Mia vagonaro, kiun mi estas prenonta, foiras je la 20 h. Mi do havas nur duonan horon por veturi hejmen, alivestiĝi kaj atingi la vagonaron. Kun la antaŭe preparita dorsosako mi forlasas la hejmon kaj feliĉe atingas la vagonaron. Mia destin-loko estas ĉ.

18 km. de Budapeŝto. Mi alvenas tien post 50 minutoj.

Tie ni havas komunan tendon. K-doj, kies laboro finiĝis tagmeze jam estas ĉi tie kaj preparis ĉion, eĉ la kuŝejojn por mi. Ili ĝoje min salutas. Kun mi alvenis



ankaŭ aliaj K-doj, kiuj ankaŭ apartenas al la Laborista Sporta Asocio. Demetinte la vestojn ni iras bani en la ondojn de Danubo. — Estas jam noktomezo, kiam ni kuŝiĝas. Post 4—5 hora dormado ni leviĝas. Kaj ĉe la matenkrepusko ni denove estas en la akvo. Ni ĝoje salutas la leviĝantan sunon. Ni admiras la belecon

de l' naturo. Ni mem banas nude, sen-veste, ĉar la K-dinoj ne ankoraŭ ellitiĝis. Iom poste ni metas ban-pantalonojn. Ni gimnastikas kaj matenmanĝas.

Notinde estas, ke la plejmulto el ni estas aŭ vegetaranoj aŭ t. n. krudaj-manĝuloj¹⁾. Multaj el ni estas kontraŭalkoholuloj.

Tagmeze alvenas ankoraŭ granda nombro de Gek-doj el la urbo. Ni pasigas la posttagmezon amuzante nin per diversaj ludoj. La manpilkulado anstataŭas la piedpilkulado; la lasta estas tro sovaĝa kaj pro tio ni preferas la unuan. Ni ankoraŭ banas unufoje ĉu en la refreŝigaj ondoj ĉu en la sun-radioj. Ni kantas diversajn laboristajn kantojn.

Per simila senzorga pasigo de l' tago refortiĝas niaj muskoloj kaj ĝenerale nia korpo. Per la flegado de la korpo, per ĝenerala klopodo al la korpokulturo ni volas labori ne nur mense por la homa kulturo. Ni kontraŭstaras la eklezion, kiu ĉiam batalis kontraŭ la nuda korpo. Ni klopodas klaskonscie eduki harmonie belan kaj fortan korpon, ĉar — en sana korpo — sana animo.

Budapeŝto, 3. 8. 27.

(343.)

¹⁾ Ili manĝas ne kuiritajn legomojn kaj fruktojn.

Ĉu vi jam renovigis vian
membrecon al SAT?

Patriotismo — Internaciismo — Sennaciismo

(Daŭrigo sepa)

La komplemento (kontraŭo) de tiu grandega magia potenco estis, ke la reĝoj devis rigore obei iajn regulojn. Ili, ekzemple, ne povis manĝi aŭ trinki kion ajn. Laŭ Moret kaj Davy, tiuj *tabu*-oj (malpermesoj) devenas de la treege antikvaj kutimoj, tiaj, kiaj estis la malpermeso manĝi la totemon.

La faraonoj estis respondecaj pri ĉio, pri la malbonaj rikoltoj, pri la epidemioj, unuvorte pri ĉiuj malfeliĉegoj. Kiam okazis, ke reĝo estis ĉu malsana, ĉu tro maljuna por povi malhelpi tiujn malfeliĉegojn, la popolo postulis, ke li estu mortigata: "Tuj kiam aperas ĉe reĝo simptomoj de maljuneco, aŭ ĉe antaŭdifinita dato, post dek du, dudek aŭ tridek jaroj da regado, oni mortigas la reĝon dum granda ceremonio kaj oni anstataŭas lin per juna heredanto. Plej ofte, la reĝoj sukcesis mildigi tiujn kutimojn, delegante kiel anstataŭantojn homajn aŭ bestajn oferatojn; sed tiuj anstataŭoj estis tolerataj nur se ili donis al la maljuniĝintaj reĝoj renovigon de juneco kaj saneco¹⁵⁾."

¹⁵⁾ Moret kaj Davy.

Cetere, post lia morto la rolo de reĝo ne estas finita; ĝi eble estas eĉ pli grava. La reĝo, kiu estas dio, ne povas ja vere morti. Lia surtera morto estas nur la komenco de supernatura vivo. Li restas la protektanto de la mortintaj homoj, kiel li estis surtere la protektanto de la vivantoj. Tio klarigas kial fervorege kaj penege la egiptoj konstruis por la mortintaj faraonoj grandegajn kaj belegajn tombojn. La kolosaj piramidoj estas ja nur tombaj fortikaĵoj, kiuj defendas la kadavron de la dio-reĝo.

Ĉe la antikvaj egiptoj la kulto al kadavroj de reĝoj havis realan signifon; ĝi tute kongruis (konvenis) kun la tiutempa kredo. Nuntempe oni ankoraŭ konstatas similan kulton al kadavroj, sed ĝi estas nur formortinta restaĵo de iam vivanta ideo. Por kompreni kial "materialisme" pensantaj homoj povas ankoraŭ nuntempe honori putrantan karnon kaj ĝin zorge konservi en maŭzoleoj, necesas scii, ke tiu kutimo havis en la antikveco ian logikan signifon. Ĉi-okaze ni rimarkigu, kiom longe vivas ideoj, kiom forte ili influas la agojn de la homoj. En nia epoko, kiun karakterizas la scienco, la tekniko, fruktoj de la *Racio*, oni tamen kon-

statas, ke la mistiko, la religio ankoraŭ forte influas eĉ "liberpensantajn" homojn.

La leganto ne konkludo el tiu mia rimarko, ke mi kredas je la ekzisto de ideoj kun propra vivo, havantaj vere faktan vivon. Mi bone scias, ke la unuiĝo de la tuta Egiptio sub la regadon de unu sola reĝo-dio povis okazi nur tial ke la ekonomiaj kondiĉoj postulis tion. La vivo en la Nila valo estis ebla nur per discipline organizita socio. La loĝantoj de la Delto ne povus vivi, se okaze de sekeco la loĝantoj de la Alta Egiptio retenus la akvojn de la riverego; same okazus, se la riveraltiĝo superakvigus la Delton. Necesis konstrui kaj prizorgadi kanalojn, digojn, akvujojn. Kaj tio estis ebla nur per unueca regado. Necesis ankaŭ defendi la riĉaĵojn de la lando kontraŭ la oftaj atakoj de la nomadoj el la dezerto. Ni do konstatas, ke la ekonomio estis la ĉefkaŭzo en la estiĝo de la sociaj fenomenoj. Sed samtempe la kredoj, la ideoj ludis ankaŭ grandan rolon. La homo ja estas partoprenanto en la ekonomio; kaj la homo estas animalo havanta ideojn. Laŭ tio ĉu tiuj ideoj estas mistikaj, religiaj aŭ raciaj, la nepra malvolviĝo de la sociaj fenomenoj okazas pli aŭ malpli rapide kaj glate. Estas

ANATOL FRANS PRI LA MILITO

Malamu la militon!

"Virinoj, vi kiuj estas pli kuraĝaj ol la viroj, savu la homaron! Ĝi koncernas vin, ataki la monstiron, kiu ĝin formangas; ĝi koncernas vin, batali kontraŭ la milito; batalegi senkompate. Do, de nun, antaŭen, malamu la militon per nekvieta malamo. Malamu ĝin, konsiderante ĝiajn krimojn, malamu ĝin vidante en la ornamaĵoj de la triumfo, kun la palmobranĉoj de la venko. Via malamo estu mortiga al ĝi; mortigu ĝin.

Ne diru, ke tio estas nebla kaj ke ĝi daŭros tiom longe, kiom la homa gento, ĉar la nacioj ĉiam estos malamaj. Ili ja estas tiaj, kiam ili ekzistas. Sed la nacioj ne ĉiam daŭros. Ho virinoj! ho patrinoj! Niaj genepoj vidos Eŭropajn Unuigitajn Ŝtatojn, ili vidos Tutmondan Respublikon.

Virinoj bonkoraj, incitite per tiuj sentoj, iru tra la mondo kaj vi savos Eŭropon kaj estigos la feliĉon sur la tero!"

ANATOLE FRANCE (Anatol Frans).
Tradukis SAT-ano 3489.

Satu la militon

"La glavo ĉiam donis la superregadon al la pli bonaj. Oni bedaŭras, ke la armeo estas perforto kaj nur perforto. Sed oni ne pripensas, ke tiu perforto anstataŭis malordon, kaj fine, ke ĉie, kie ne ekzistas armeo, la mortigoj estas hejmaj kaj ĉiutagaj. La soldato estas necesa, kaj la milito estas, inter ĉiuj sociaj fatalaĵoj, la plej konstanta kaj la plej nekonsistenta."

ANATOLE FRANCE (La Vivo en Parizo,
en la ĵurnalo "La Tempo", 18. julio 1886).
Tradukis Eŭtrapel.

ja tute logike, ke ideoj vivantaj per la cerbo de homo influu la historian procezon.

La Egipta Imperialismo

La faraonoj sukcesis trudi sian regadon ne nur al tuta Egiptio, sed ankaŭ al najbaraj popoloj. Plivigliĝis la socia kaj politika vivo de la egiptia popolo. Naskiĝis rimarkinda literaturo populara kaj filozofia; kreiĝis grandioza arto, kiu vekas ankoraŭ admiron ĉe nuntempuloj.

Rilate fremdulojn, la egipto konsciis pri sia socia, politika kaj intelekta supereco. La fiereco esti regato de potenca faraono vekis ĉe li koncepton pri egiptia patrio.

Kaj, kiel logike devis okazi, la faraonoj estis devigataj fari imperialisman politikon. La popolo ja bezonis krudaĵojn el eksterlando; ĝi bezonis eksporti naturaĵojn de la kampoj kaj produktojn el la laborejoj sur la fremdajn bazarojn. La lando tendencis fariĝi iu "plej granda Egiptio". Militaj ekspedicioj (militiroj) plioftiĝis. Invadintoj estis forpelitaj, barbaroj venkitaj. Palestino kaj Sirio estis konkiritaj; egiptia imperio en Azio fondita. Dum tuta jarcento (1460—1360) la egiptia superregado sin trudis preskaŭ sen milita enmiksiĝo.

Mi kuraĝos diri, ke la milito estas humana, en tiu senco, ke ĝi estas la propreco de l' homaro. Ĝi reprezentas la solan interkonsent-eblecon inter ties brutaj instinktoj kaj ties idealo pri justeco. Ĝi reguligas la perforton kaj tiel konsistigas la plej grandan rezulton, kiun la homa speco ĝis nun atingis por mildigi la morojn. Ĉu oni faros pli bone en la estonteco? Ĉu oni forigos la perforton, kiun oni nur reguligis? Ĉu oni ĉesos militi, kaj ĉu la soldato iam malaperos? Estas fiihere esperi tian rezulton kaj danĝere labori por ĝin atingi.

La homo estas subigita al la fatalaĵoj de sia origino. Li laŭnature emas al perforto. Kiam li estos pacema, li ne plu estos homo, sed io nekonata, pri kio ni eĉ ne havas antaŭsenton. Ĉu mi konfesos tion? Ju pli mi pripensas, des malpli mi kuraĝas deziri la malaperon de la milito. Mi timus, ke malaperante, tiu granda kaj terura potenco kunportus kun si la virtojn, kiujn ĝi naskigis kaj sur kiuj nia socia konstruo hodiaŭ staras. Forigu la militajn virtojn, kaj la tuta civila socio forfalos. Sed eĉ se tiu socio povus restariĝi sur novaj bazoj, la ekzisto de universala paco ne kompensus la malestojn de la sentoj el kuraĝo, honoro kaj ofero, kiujn la milito konservas en la koroj de l' homoj. Ĝi naskas kaj luladas la heroojn en siaj sangaj brakoj. Kaj estas tiu funkcio, kiu igas ĝin plej nobla kaj sankta!"

Tiu imperialismo estis ja ekonomia neceso. Ĝi provis sin trudi ne nur per armiloj, sed ankaŭ per diplomaciaj rimedoj. La faraono ne ĉiam kaj ĉie trudis sian personan regadon. Li kontentigis per la vasaleco de la venkitaj reĝoj, kiuj pagis al li tributojn. La nuntempaj regmanieroj kiel la *protektorato* estis jam aplikataj. La egiptia kulturo sin trudis per tute similaj rimedoj, kiel tiuj uzataj hodiaŭ de la Grandaj Potencoj. La egiptia administrado lasis ian sendependecojn al la "protektataj" popoloj; la kutimoj kaj moroj de ĉiu urbo estis respektataj; same ankaŭ la diversaj religiaj kultoj. Tio estas historie pruvita. En la jaro 1887 a. K. oni ja eltrovis en la ruinoj de la antikva ĉefurbo *Ikhutatono* (nuntempe *Tell el-Amarna*) proksimume 300 brikojn, gravuritajn laŭ konforma skribo kaj kiuj konsistigis la arkivajn dokumentojn de la departemento por eksteraj aferoj de la tiutempe reganta faraono, Amenofis la IV-a (1380—1362 a. K.). Por la unua fojo en la historio de l' mondo aperis skribaj dokumentoj, kiuj rakontas per klara maniero pri eksterlanda politiko de la antikva Egiptio.

(Pluo sekvas) E. Lanty.

Daŭrigu la varbadon por Sennaciulo!

MILIONULOJ

Legante tiun ĉi vorton oni kredas sin en la inflacia epoko. Jes, siatempe SAT eĉ estis multfoja bilionulo, sed en sekvanta artikolo ne temas pri la inflacia epoko, tute ne! Tiuj mil — ion — uloj ekzistas nuntempe kaj ne nur en Germanio. Ĉiu lando kapitalista ja havas tiajn ulojn en pli malpli granda kvanto. Bona signo, ke tiuj vampiroj tre bone kaj sagace komprenis la ekspluatadon de siaj kunhomoj. Unuflanke milionuloj kaj aliflanke — malriĉuloj senlaboruloj. Jen la plej drasta bildo de la kapitalista sociordo. Ni paroligu la faktojn.

La Statistika Regnoficejo de Germanio publikigas tre interesan statistikon rilate la loĝlokojn de la milionuloj en la germana "respubliko". La plej multaj milionuloj troviĝas en la ĉefurbo Berlino, tiam sekvas laŭvice la aliaj urboj. Ni citu kelkajn:

Urbo	Milionuloj
Berlin	525
Hamburg	155
Leipzig	98
Frankfurt	88
München	79
Köln	75
ktp.	

Kompreneble ni ne lasu trompi nin. Ni scias, ke en ĉiu urbo ekzistas pli da tiaj "malriĉuloj", kiujn la Statistika Oficejo ne povas registri, ĉar tiuj uloj tute ne fanfaronas, sed ŝatas resti kaŝaj milionuloj. La kaŭzoj ni tre bone scias. Post la fanfaronado tre rapide marŝas la fisko kaj pagi impostojn estas la plej malŝatata okupo de tiuj "malriĉaj" milionuloj. Pro tio laŭ tute ne povas imagi kiom da impostoj kaŝe retenas tiuj vampiroj. Iu laboristo, laboranta en fabriko aŭ ĉe iu entreprenisto, ne havas la eblecon trompi la ŝtaton, ĉar ĉiu pfenigo da impostoj jam estas dekalkulata en la kontoro ĉe la elpago de la salajro.

Tre interesa estas la demando ĉe tiuj statistikaj konsideroj: Kiom da impostoj pagas tiuj milionuloj? Ankaŭ tiurilate la statistika oficejo donas informon. Ekzemple la kapitalo, kiun posedas tiuj 98 milionuloj en Leipzig, estas impostata kun 1½ miliardoj da markoj. Tiu fakto montras al ni, kiom da mono troviĝas en la poŝoj de kelkaj vampiroj. En Leipzig ni povas konstati, sur unu flanko 98 milionulojn, kaj sur alia flanko iom pli ol 500 000 laboristoj. Meznombro 5000 laboristoj devas laboregi por ĉiu el tiuj vampiroj, por ebligi al ili bonstaton kaj luksan vivon.

Kvinmil kontraŭ unu!

K-do, tiu ĉi kontrasto ne povas daŭre restadi. Venos la tempo, kiam la proletoj marŝos en unu vico kaj rompos la barojn por finfine disŝiri tiun de "dio dezirata" sociordo.

Rolo.

TRA ESPERANTIO

INTERLANDA ESPERANTO-KORESPONDADO KIEL EDUKILO AL SENNACIISMO

La nuna periodo de l'esperantista vivo kaj movado bazas sin sur la esp-a literaturo kaj interlanda esp-a korespondado, ĉar la nunaj cirkonstancoj ne estas favoraj por renkontiĝo kaj persona interamikiĝo de diverslandaj esperantistoj; do esperanta laborista libraro kaj korespondado estas tiu ligilo, kiu kunligas la ruĝan esperantistaron. Tial nenio mirinda estas en la fakto de ĉiujara kresko de internacia korespondado peresperanta. La graveco de ĉi fako en nia movado devigas nin, SAT-anojn, tre serioze studi ĉion rilatantan al la interlanda korespondado por organizi tiun ĉi emon de l'proleta esperantistaro al korespondado kun eksterlandanoj. Ni devas ne nur preni ĝin sub nian gvidadon, sed konscie per rektaj, taŭgaj rimedoj direkt-konduki tiun ĉi brue traboriĝantan torenton de korespondadoj, ofte senordan, en sennaciecan fluejon, konformigi ĝin kun la celoj de nia SAT-movado¹⁾.

Kiel naskiĝas ordinare interlanda korespondado?

Ĉiu nova ano de esperanta movado, ofte eĉ nur "amiko de esperanto", apenaŭ ellerninte abocno de la lingvo sendas sian leteron eksterlanden por konvinkiĝi, ĉu li efektive estos komprenata en "la tuta mondo". Ĉu la instruistoj kaj kursgvidantoj malhelpas al tio? Male: plejparte ili aprobas tion, por pligi la intereson de sia lernanto al studado de la lingvo aŭ por kolekti kiom eble plej multe da ekspoziciaĵoj por propaganda ekspozicio. Tia estas la unua paŝo en korespondado, kiun ni tamen ne povas refuti.

La dua estas — organizado de "ĉeletej" por interkorespondado en kluboj, lernejoj, fabrikoj, kun la celo interligi kun eksterlandaj K-doj. La korespondado fariĝas pli serioza, sed tiuj ĉi grupoj tre ofte korespondadas pere de esperantisto-tradukisto kaj ofte ne trovas tempon por mem ellerni esperanton. Pro tio la korespondado ne estas longedaŭra.

La tria granda kategorio de korespondado estas tiu de infanoj en lernejoj, por kiuj la korespondado havas pli amuzan ol seriozan karakteron. Ĝia celo estas ellerno de la lingvo, tuja ĝia apliko, kolekto kaj interŝanĝo de objektoj interesaj por infanoj.

Restas ankoraŭ grupo da lertaj esperantistoj, kiuj korespondadas kun serioza celo; inter ili ni povas trovi tiujn, kiuj en sia korespondado estas veraj sennaciuloj, havantaj ĉiam antaŭ siaj okuloj klaran idealon de SAT-movado. Ili per sia korespondado propagandas la ideojn de sennaciismo kaj ofte kreas novajn adeptojn (sennaciulojn) el siaj korespondantoj²⁾.

Ĉe la unua rigardo ŝajnas, ke nur la lasta kategorio de korespondantoj estas utila por la SAT-movado, tamen tiu konkludo ne estas tute vera. Ni pripensu, ke multaj el tiuj K-doj fariĝis "bonaj" korespondantoj-sennaciuloj trapasinte antaŭe la unuajn grupojn de korespondemuloj; ili, por tiel diri, "el-

oviĝis" el tiuj embriaj kategorioj. Do, ni ne malŝatu, sed atenteme prizorgu tiujn unuajn ŝtupojn al la supera speco de interlanda korespondado, ni transformigu ilin laŭ niaj celoj, ni kulturigu bone tiujn florbedojn, sur kiuj devas elkreski belaj floroj de vera sennacieca kulturo, ĉar estas nenio dubo, ke en nia epoko de disigita homaro la interlanda esperanta korespondado estas la plej efika rimedo por unuigi diverslingvan Proletaron en unu potencan, fortike cementitan kaj unuece kulturitan en sennacieca idearo forton. Tial ĉu aranĝante infan-korespondadon, ĉu helpante al komencantoj, ĉu kolektante materialon por niaj ekspozicioj, — ni ĉiam memoru la finan celon de la laborista korespondado — sennaciecan edukadon kaj edukigon.

El kio do povas konsisti tiu eduk-edukiĝo?

Mi provos skizi la ĉefajn ideojn, kiuj povas utili por atingi tion:

1. *Kunfratiĝo de laboruloj diverspopolaj.* La ekonomiaj kaŭzoj postulas la unuiĝon de ĉiulandaj laboristoj: "Proletoj de ĉiuj landoj, unuiĝu". Agante en tiu direkto ni devas nepre havi sukceson, ĉar ni, krom ĉiuj fortuoj unuiĝantaj la Proletaron, havas ankoraŭ lingvon por ĝi komunan, per kiu ni povas plirapidigi la procedon de la unuiĝo.

2. *Disvastigo de esperanto.* Ni ne estu tro facilanimaj rilate al daŭro kaj kvalito de esperanto-kursoj. Ni klopodu, ke antaŭ ĉio niaj anoj kaj korespondantoj estu lertaj esperantistoj. Mallerta esperantisto ne taŭgas por serioza korespondado, li baldaŭ tudos al sia korespondanto. Ni instigu ellerni la lingvon, ĉar pro ĝia facileco ĉiu povas ekposedi ĝin. Ni gvidu la perfektigon en tiu rilato, ni amike korektu la erarojn kaj difektojn de stilo en leteroj, ĉar multajn nekorektaĵojn kaj "pezaĵojn" en la stilo povas rimarki plej facile nur eksterlandulo.

3. *Propagando de SAT.* Per korespondado oni ofte sukcesas disvastigi la ideojn de nia asocio, varbi novajn SAT-anojn, fortiri laboristojn el la neŭtrala esperanto-movado ktp. Sendado de SAT-eldonadoj, ĵurnaloj multe helpas por tio.

4. *Batalo kontraŭ mensogemo kaj ŝovinismo de burĝa gazetaro* per vera priskribo de la situacio, tendencoj kaj okazintaĵoj de laborista vivo. "Nia gazetaro skribas tion kaj tion pri la lasta okazintaĵo en via lando. Skribu al ni la veron pri tio." — Jen estas la peto tre konata al ĉiu korespondanto. Ĝi montras, ke esperanta korespondado povas solvi la demandojn (de la laboristoj) aliel ne solveblajn pro diverseco de priskriboj en diverspartia nacia gazetaro. Precipe tio rilatas al la vivo de Sovetlandoj pritraktataj de la vidpunktoj de burĝaj gazetistoj. El tio sekvas:

5. *Sovetlandaj korespondantoj* devas konatigi al siaj eksterlandaj Kamaradoj la laboristan vivon en Sovetio kaj precipe la solvon de l'naciproblemo en sovetaj respublikoj. Sur la vastega areo de Sovetio ne ekzistas ja "malamikaj" limoj, doganejoj kaj aliaj baroj por ĝiaj diversnaciaj civitanoj, apartenantaj al diversaj sovet-respublikoj.

Gvidata de ĉiuj ĉi ideoj, la interlanda korespondado nepre pli aktivigos ĉiun K-don, plilarĝigos liajn interesojn kaj subtenos ĉiam lian animstaton sur la alta nivelo de sennaciismo. (Finota.)

V. *Vozdvijenskij* (Odessa), SAT-ano 4024, instruisto de Muziklaborlernejo (Muztrudŝkola).

Agu honeste!

Multaj Gek-doj plendas, ke laŭ iliaj anoncoj en korespondfako de "S-ulo" pri kolektiva korespondado, ili plejparte ne ricevas eĉ unu leteron. Laŭ mia opinio, tio estas kulpo de la kolektivgvidanto, kiu ricevinde jam ian leteron malrapide respondas aŭ eĉ entute forgesas pri sia devo. Ĉiu korespondemulo, proponinte unufoje al iu kolektivo la interkorespondadon kaj ne ricevinde respondon evitas poste ĝenerale la kolektiv-anoncojn. Mi kategorie proponas al la redakcio de "S-ulo" pridiskuti sur la paĝoj de nia gazeto jenon:

1. Ĉiu petanto pri korespondado okaze de lia nerespondo al iu korespondopropo pagas en la SAT-kaso punmonon: a) egala al SAT-kotizo, se li nur anoncis sian adreson; b) la duoblan sumon, se li ankaŭ garantiis aŭ certigis la respondon.

Por ni, proletoj, la interkorespondado ne estas ludilo, kaj ni ankaŭ ne havas superfluan monon por vana korespondado. (6771.)

Rim. Principe la propono de nia K-do estas tre subteninda. Bedaŭrinde en la praktiko ĝi estas malfacile efektivebla. Longa enketo estus necesa por pruvi a) ke la letero sendita ne perdiĝis survoje, b) ke saman sorton ne havis la respondo, c) ke la korespond-petanto ricevis respondon pri la temo anoncita k. ne pri alia ktp. Almenaŭ ne estas malbone, ke oni alvoku pri honesteco k. serioze. — E. L.

★ DIVERSAĴOJ ★

Nova sendstacio disaŭdigas en esperanto

Regule ĉiun lundon je la 8,30 h. vespere (laŭ Kieva tempo) per ondlongo 775 m. Radio-Oficejo de Kieva Intersindikata Komitato disaŭdigas en kaj pri esperanto. La disaŭdigoj jam okazis la 10., 17., 24., 31. de oktobro kaj 14. de novembro. Idistoj penas propagandi inter Kieva radiistaro kaj trudi al ĝi sian dialekton. Tial tre gravas, ke ĉiu eksterlanda esperantisto aŭskultinta Kievan esperantan disaŭdigon sciigu pri tio al la radio-oficejo laŭ la adreso: Sovet-Unio, Kiev, str. de Korolenko, 33, "Dvorec Truda", kv. n-o 125, Radio-Bjuro OSPS. 728.

*

Pri "Oktobra Revolucio"

La ĉi suba "gratulo" estas unu el la plej tipaj, kiujn ni ricevis okaze de la X-a datreveno de "Oktobra Revolucio". Pro manko de loko ni kompreneble ne povas publikigi ĉiujn. Dankon al ĉiuj sendintoj! — Red.

*

La Batuma "SAT"-ĉelo, ĉe la Centra Laborista Klubo, kaj la Militista Esperanto-Rondeto, ĉe la N-a Ruĝarmeana Klubo, kore gratulas sian revolucionan gazeton "Sennaciulo" kaj la tutmondan "SAT"-anaron, okaze de la X-a datreveno de la Proletara Revolucio...

Ni esperas, ke dum la Nova Proletara Jaro, la Citadelo de l'Tutmonda Revolucio, Sovetio, ĉiam plu plifortiĝos kaj progresos, en ĉiuj rilatoj, konstruante la Novan Vivon

¹⁾ Racia grandskala organizado de la korespondado postulas bonan statistikon precizan kaj profunde karakterizantan la korespondantaron kaj la korespondadaron. Sed ni prokrastas la pritrakton de tiu ĉi speciala problemo ĉar ĝi eliras ekster la temon de ĉi artikolo.

²⁾ K-do Akselrod en Odessa aligis al SAT 5 siajn korespondantojn-laboristojn, kiuj ĝis tiam nenion sciis pri sennaciismo.

sur la ruinoj de l' malnova mondo, gvidos la Tudmondan Proletaron al la jam proksima Mondrevolucio, konstruante firman fundamenton por la estonta Sennacieca Socio, la Mondkomuno, en kiu ekzistos nek landlimoj nek lingvaj baroj.

A. Tanner,
ĝenerala sekretario
de la Batuma "SAT"-ĉelo.

*

Tutmonda Esperantista Pedagogia Servo por informadi la instruistajn gazetojn kaj Internacion de l' Instrulaboristoj kun aldono de esperanto-lingva resum-folio de *La Vojo de Klerigo*, monata pedagogia revuo. — Sekretario: M. Boubou, 96, rue Saint-Marceau, Orléans (Loiret), Francio.

Ni rekomendas ĝin varme al ĉiuj edukistoj k. al ĉiuj, kiujn interesas tiu ĉi problemo.

TRA LA MOVADO (Kroniko)

Francio. En *Bourges* funkcias nun 3 kursoj kun 32 ĝelernantoj. Unu kurso estas gvidata de K-do, kiu baldaŭ SAT-anigos. La aliajn kursojn gvidas K-do 5820. — La FEO-Kongreso okazos tie ĉi la 8.—9. aprilo 1928. Alilandaj K-doĵ estas kamaradece invitataj k. estos bone akceptataj. — En *St. Pierre-*

des-Corps malfermiĝis kurso kun 15 Gek-doĵ. Ĝi estas gvidata de K-do 8251 kun helpo de K-dino 9620. — La regiongrupo organizis paroladon en *Tours*. Ĉeestis 60 p. Oratoris K-do 518. Kurso estos baldaŭ malfermota k. laborista grupo starigota. — En *Vierzon*, kie ĝis nun ne estis esp-istoj, 8 K-doĵ lernas esp-on. Duonmonate K-do 5820 gvidas kurs-on. — **Germanio.** Vigla laboro estas en la LEA-grupo de *Hennigsdorf*. La 21. 9. 1927 komenciĝis nova kurso kun 8 partoprenantoj, gvidata de K-do Zabel. — Dum burĝa esp-o-kunveno en *Tegel* paroladis K-do Qualitz varbinte por la laborist-esp-ista movado. — En *Velten* (Mark) la sporta kartelo aranĝis la 2. 11. 1927 publikan kunvenon por esp-o. Paroladis K-do Qualitz. Tuj sin anoncis 17 lernontoj kaj fondiĝis esp-a rondeto. La laboristgazetoj "Rote Fahne" kaj "Volksblatt" enpresigas ĉiam niajn sciigojn. Dum granda festo de la komunista partio, la grupo aranĝis tre bonan ekspozicion. (5644.) — **Sovetio.** Kievo. Junkomunista ĉelo ĉe 3-a kaj 4-a ŝtatemulejoj ricevis interŝanĝe standardon de Dresdenaj ruĝfrontbatalantoj. Kun la standardo la ĉelo partoprenis la manifestacion dum la oktobra festo. Kieva Intersindikata Komitato funkciigis esperanto-konsultejon. Radio-oficejo de la Intersindikata Komitato regule ĉiulunde disaŭdigas

en kaj pri esperanto. — **Svedio.** Lasttempe la esp-a movado en *Göteborg* tre vigliĝis. 7 kursoj funkcias kun ĉirkaŭ 150 partoprenantoj. Tri kursoj estas aranĝitaj de la loka sekcio de ABF (Kleriga Ligo de Laboristoj). ABF pasintjare aranĝis 65 kursojn. Funkcias ankaŭ diskut-rondo kun 15 partoprenantoj, kiu uzas nur esp-on. (6313.)

MEMORNOTO

Reprexis el "Sennaciulo":

L' Ecole Emancipée, Paris, 6. 11. 27: Infaneco de Lenin. — *Volksstimme*, Chemnitz, 15. 10. 27: Leteroj de Sacco k. Vanzetti. — *Neue Zeitung*, München, 9. 11. 27: La tombo de la 18 000. — *Strahneeku Awise*, Leepaja, 28. 10. 27: El Manĉurio. — *De Belgische Tram*, Bruxelles, 1. 6. 27: Vienaj tramistoj k. esp-o. — *L' Effort*, Lyon, 1. 10. 27: Petrol-milito, Polvo en aero, 15. 10. 27: Vivkondiĉoj de laboristoj en Sudafriko, El Aŭstralio, En Blank-Rusio. — *Le Drapeau Rouge*, Bruxelles, 13. 7. 27: Rasmilito en Transvaal, 11. 8. 27: Proleta ŝtato honoras esp-on. — *Sport k. Socialisme*, Bruxelles, 25. 4. 27: Antaŭenema Ĉinio. — *Jeunesse Ouvrière*, Bruxelles, 15. 4. 27: El Britio. — *Ojratskij Kraj*, Ulala, 22. 10. 27: Letero de esp-isto al jun-komunistoj de Ulala.

Enhavis priesperantajn artikolojn aŭ notojn:

L' Avant-Garde, Tours, 17. 9. 27, 29. 10. 27. — *Munkaskultura*, Budapest, 10. 27. — *Mitteilungsblatt der Internationalen Transportarbeiter-Föderation*, Amsterdam, okt. 27. — *L' Emancipateur*, Bourges, 25. 9. 27 (publikigas rezolucion voĉdonitan de arondismenta-konsilantaro de Moulins, postulanta enkondukon de esp-o en la lernejojn), 2. 10. 27. — *L' Etincelle*, Bruxelles, 25. 5. 27. — *Le Drapeau Rouge*, Bruxelles, 28. 5. 27. — *Sport k. Socialisme*, Bruxelles, 9. 5. 27. — *Le Populaire*, Paris, 26. 9. 27, 30. 9. 27, 3. 10. 27, 10. 10. 27. — *Le Bellevillois*, Paris, okt. 27.

Tradukis el esperantaj leteroj:

Atputai, Leepaja, 30. 10. 27.

Reprexis el "Sennacieca Revuo":

The New Leader, Friday, 4. 11. 27: La skulptisto de la revolucio: Jukov. — *The Labour Woman*, London, 1. 11. 27: La vivo de la holanda laboristino kaj laboristedzino.

Enhavis notojn pri SAT:

The Daily Herald, London, 4. 11. 27: — *Latfil*, Libaŭ, n-o 9. — *Argentina Esperantisto*, en n-o 16 de sia propaganda eldono. — *ISK*, Schlüchtern, nov. 27.

Enhavis enesperantajn artikolojn:

Wochenbericht, Moskva, 23. 9. 27.

Ni ricevis krom tio multajn gazetojn, kiuj reprenis div. artikolojn el GAZETSERVO. Ĉar la gvidanto de la GAZETSERVO okupiĝas pri tiu speciala statistiko, ni ne notas la koncernajn gazetojn.

ENHAVO:

Kvar milionoj da sklavoj en Afriko, trad. K. Straube . . .	pĝ. 65
Sanga teroro de la kristana registaro de Nederlando kontraŭ la revoluciuloj en Malajaj insuloj	65
Petrolo — Reĝo de l' Mondo, trad. Kolektivano . . .	66
Jen, kion kaŭzas la varmego! de Adamo Karbministo . . .	67
El la virina vivo, trad. S. B-v. . .	67
Tago el mia vivo, de 343 . . .	68
Patriotismo — Internaciismo — Sennaciismo, de E. Lanty . . .	68
Anatol Frans pri la milito, trad. Eŭtrapel . . .	69
Milionuloj, de Rolo . . .	69
Diskutejo . . .	70
Por nia Distro . . .	70
Tra Esperantio, anonco . . .	71—72

Ĉiu instruisto, ĉiu instruema esperantisto nepre abonu al

Formato: 15 x 22 1/2 cm

Jaro V/IX. N-o 2 (50)

Novembro 1927



Monata Organo
de Sennacieca Asocio Tutmonda

FONDITA EN 1919

EDUKADA SERIO

ENHAVO:

Redakcia Angulo. — E. Lanty: Sennacieca Asocio Tutmonda pri Edukado. — E. Spiridoviĉ: Pacifista Internaciismo aŭ revolucia sennaciismo. — M. Van de Moortel: La pedagogiaj taskoj de l' Eduklaborista Internacio. — C. Freinet: Por Sennacieca Infan-literaturo. — Inter ni. — Edukista Sekcio de SAT. — C. Freinet: Edukivaj Teknikoj de Sennacieca Lernejo. — M. Boubou: Fakkunsido de edukistoj.

Redakcio: 14, Avenue de Corbéra, Paris, XII-e (Francio)
Administracio: R. Lerchner, Colmstr. 1, Leipzig O 27 (Germ.)